

中国诗选

高級中學用書

國語文

新學制 高古白話文選 吳適生 鄭次川 二冊 一元二角	又 近長篇白話文選 又 二冊 九角	國學 小詩經研究 謝无量 四角	又 陶淵明 梁任公 四角	又 中國八大詩人 胡懷琛 三角	又 尚書論略 陳柱 二角	又 楚詞新論 謝无量 二角	又 平民文學之兩大 謝无量 三角	共和國評註 國文讀本許國英 四三二一 冊冊冊冊 七角六角五角四角	又 文字源流 張之純 三角	又 中國文學史 王夢曾 五角	論說文作法講義 孫俔工 七角	新中國文字學大綱 何仲英 三角半	文學研究法 四冊 姚永樸 七角	韓柳文研究法 林紓 三角	商務印書館出版
---	-------------------------------	--------------------------	-----------------------	--------------------------	-----------------------	------------------------	---------------------------	--	------------------------	-------------------------	----------------------	------------------------	--------------------------	--------------------	---------

元1637(二)

2-9-14

An Anthology of Chinese Poems

The Commercial Press, Limited

All rights reserved

中華民國十四年九月初版

回(中國詩選二冊)

(每部定價大洋壹元伍角)
(外埠酌加運費匯費)

編纂者 蔣善國

發行者 商務印書館

印刷所 上海北河南路北首寶山路
商務印書館

總發行所 上海棋盤街中市
商務印書館

分售處 商務印書分館

北京天津保定奉天吉林龍江
濟南太原開封西安南京杭州
蘭谿安慶蕪湖南昌漢口長沙
常德衡州成都重慶廈門福州
廣州潮州香港梧州雲南貴陽
張家口 新嘉坡

★此書有著作權翻印必究★

飲馬長城窟行

唐太宗

塞外邊風切，交河冰已結。瀚海百重波，陰山千里雪。迴戍危烽火，層巒引高節。悠悠卷旆旌，飲馬出長城。寒沙連騎迹，朔吹斷邊聲。胡塵清玉塞，羌笛韻金鉦。絕漠干戈戢，車徒振原隰。都尉反龍堆，將軍旋馬邑。揚麾氛霧靜，紀石功名立。荒裔一戎衣，雲臺凱歌入。

唐貞觀中高昌童謠

高昌兵馬如霜雪，漢家兵馬如日月。日月照霜雪，回首已消滅。

滕王閣

王勃

滕王高閣臨江渚，珮玉鳴鸞罷歌舞。畫棟朝飛南浦雲，珠簾暮捲西山雨。閒雲潭影日悠悠，物換星移幾度秋。閣中帝子今何在？檻外長江空自流。

登幽州臺歌

陳子昂

前不見古人，後不見來者。念天地之悠悠，獨愴然而涕下。

詠鵝

鵝一作詠
雜言。

駱賓王

鵝！鵝！鵝！

『鵝鵝鵝』一作『鵝鵝鵝』。

曲項向天歌。白毛浮綠水，紅掌撥青

『清』一作『清』。

波。

黃臺瓜辭

一作黃臺詞。

章懷太子

種瓜黃臺下，瓜熟子離離。一摘使瓜好，再摘令

『使』一作『使』。

瓜稀；三摘尙

『猶』一作『猶』。

自可摘

絕

『一作四摘』

抱蔓歸。

鄴都引

張說

君不見魏武草創爭天祿，羣雄睚眦相馳逐？
晝攜壯士破堅陣，夜接詞人賦華屋。
都邑繚繞西山陽，桑榆漫漫漳河曲。
城郭爲墟人代改，但見西園明月在鄴。
傍高冢多貴臣，蛾眉曼睩共灰塵。
試上銅臺歌舞處，唯有秋風愁殺人！

涼州詞

王翰

蒲桃美酒夜光杯，欲飲琵琶馬上催。
醉臥沙場君莫笑，古來征戰幾人回？

飲馬長城窟

一作長城吟。

王翰

長安少年無遠圖，一生惟羨執金吾。麒麟殿前拜天子，走馬爲君西擊胡。胡沙獵獵吹人面，漢胡相逢不相見。遙聞鐘鼓動地來，傳道單于夜猶戰。此時顧恩寧顧身！爲君一行擢萬人。壯士揮戈迴白日，單于濺血污朱輪。歸來飲馬長城窟，長城道傍多白骨。問之耆老何代人，云是秦王築城卒。黃昏塞北無人烟，鬼哭啾啾聲沸天。無罪見誅功不賞，孤魂流落此城邊。當昔秦王按劍起，諸侯膝行不敢視。富國強兵二十年，築怨聲冤九千里。秦王築城何太愚！天實亡秦非北胡。一朝禍起蕭牆內，渭水咸陽不復都。

時人爲楊貴妃語

義髻拋河裏，黃裙逐水流。

感遇

張九齡

孤鴻海上來，池潢不敢顧。側見雙翠鳥，巢在三珠樹。矯矯珍木巔，得無金丸懼？美服患人指，高明逼神惡。今我游冥冥，弋者何所慕？

西日下山隱，北風乘夕流。燕雀感昏旦，檐楹呼匹儔。鴻鵠雖自遠，哀音非所求。貴人棄疵賤，下士嘗殷憂。衆情累外物，恕己忘內脩。感歎長如此，使我心悠悠。江南有丹橘，經冬猶綠林。豈伊地氣暖？自有歲寒心。可以薦嘉客，奈何阻重深？運命惟所遇，循環不可尋。徒言樹桃李，此木豈無陰？

抱影吟中夜，誰聞此歎息？美人適異方，庭樹含幽色。白雲愁不見，滄海飛無翼。鳳凰一朝來，竹花斯可食。

漢上有遊女，求思安可得？袖中一書札，欲寄雙飛翼。冥冥愁不見，耿耿徒緘憶。紫蘭秀空蹊，皓露奪幽色。馨香歲欲晚，感歎情何極？白雲在南山，日暮長太息。我有異鄉憶，宛在雲溶溶。憑此目不覯，要之心所鍾。但欲附高鳥，安敢攀飛龍？至精無感遇，悲惋填心胸。歸來扣寂寞，人願天豈從？

古塞下曲

陶翰

進軍飛狐北，窮寇勢將變。日落塵沙昏，背河更一戰。駢馬黃金勒，雕弓白羽箭。

射殺左賢王，歸奏未央殿。欲言塞下事，天子不召見。東出咸陽門，哀哀淚如霰！

燕歌行

陶翰

請君留楚調，聽我吟燕歌。家在遼水頭，邊風意氣多。出身爲漢將，正值戎未和。雪中凌天山，冰上度交河。大小百餘戰，封侯竟蹉跎。歸來霸陵下，故舊無相過。雄劍委塵匣，空門惟雀羅。王簪還趙妹，一作女。瑤琴付齊娥。昔日不爲樂，時哉今奈何！

春曉

孟浩然

春暖不覺曉，處處聞啼鳥。夜來風雨聲，花落知多少！

宿建江

孟浩然

移舟烟渚泊，日暮客愁新。野曠天低樹，江清月近人。

古從軍行

李頎

白日登山望烽火，黃昏飲馬傍交河。行人刁斗風沙暗，公主琵琶幽怨多。野雲

萬里無城郭，雨雪紛紛連大漠。胡雁哀鳴夜夜飛，胡兒眼淚雙雙落。聞道玉門猶被遮，應將性命逐輕車。年年戰骨埋荒外，空見蒲桃入漢家。

送陳章甫

李頎

四月南風大麥黃，棗花未落桐葉長。青山朝別暮還見，嘶馬出門思故鄉。陳侯立身何坦蕩，虬鬚虎眉仍大顙。腹中貯書一萬卷，不肯低頭在草莽。東門沽酒飲我曹，心輕萬事如一作『舊』。鴻毛。醉臥不知白日暮，有時空望孤雲高。長河浪頭連天黑，津吏停舟渡不得。鄭國遊人未及家，洛陽行子空歎息。聞道故林相識多，罷官昨日今如何？

漁父歌

李頎

白頭何老人，蓑笠蔽其身？避世常不仕，釣魚清江濱。浦沙明濯足，山月靜垂綸。寓宿湍與瀨，行歌秋復春。持撓湘岸竹，熬火蘆州薪。綠水飯香稻，青荷包紫鱗。於中還自樂，所欲全吾真。而笑獨醒者，臨流多苦辛。

古意

李頎

男兒事長征，生小幽燕客。賭勝馬蹄下，由來輕七尺。殺人莫敢前，鬢如蝟毛磔。黃雲白雪隴底飛，未得報恩不得歸。遼東少婦年十五，慣彈琵琶解歌舞。今爲羌笛出塞聲，使我三軍淚如雨。

江南曲

崔顥

君家定何處？妾住在橫塘。停船一作舟暫借問，或可一作恐是同鄉。

黃鶴樓

崔顥

昔人已乘白雲去，此地空餘黃鶴樓。黃鶴一去不復返，白雲千載空悠悠。晴川歷歷漢陽樹，春草淒淒鸚鵡洲。日暮鄉關何處？在烟波江上使人愁！

渭城少年行

崔顥

洛陽二月梨花飛，秦地行人春憶歸。揚鞭走馬城南陌，朝逢驛使秦川客。驛使前日發章臺，傳道長安春早來。棠梨宮中鶯初至，葡萄館裏花正開。念此使人

歸更早，三月便達長安道。長安道上春可憐，搖風蕩日曲河邊。萬戶樓臺臨渭水，五陵花柳滿秦川。秦川寒食盛繁華，遊子春來喜見花。鬪雞下杜塵初合，走馬章臺日半斜。章臺帝城稱貴里，青樓日晚歌鐘起。貴里豪家白馬驕，五陵年少不相饒。雙雙挾彈來金市，兩兩鳴鞭上渭橋。渭城橋頭酒新熟，金鞍白馬誰家宿？可憐錦瑟爭琵琶，玉臺清酒就君家。小婦春來不解羞，嬌歌一曲楊柳花。

遠別離

李白

遠別離，古有皇英之二女。乃在洞庭之南，瀟湘之浦。海水直下萬里深，誰人不言此離苦？日慘慘兮雲冥冥，猩猩啼煙兮鬼嘯雨。我縱言之將何補？皇穹竊恐不照余之忠誠。雲憑憑兮欲吼怒，堯舜當之亦禪禹。君失臣兮龍爲魚，權歸臣兮鼠變虎。或云堯幽囚，舜野死。九疑聯綿皆相似，重瞳孤墳竟何是？帝子泣兮綠雲閒，隨風波兮去無還。慟哭兮遠望，見蒼梧之深山。蒼梧山崩湘水絕，竹上之淚乃可滅。

蜀道難

李白

噫吁嚱，危乎高哉！蜀道之難，——難於上青天！蠶叢及魚鼈，開國何茫然！爾來四萬八千歲，不一作乃與秦塞通人烟。西當太白有鳥道，可以橫絕峨眉巔。地崩山摧壯士死，然後天梯石棧相鉤連。上有六龍迴日之高標，一作上有橫河斷海之浮雲。下有衝波逆折之迴川。黃鶴之飛尚不得過，一無過字。猿猱欲度愁攀緣。青泥何盤盤！百步九折縈巖巒。捫參歷井仰脅息，以手撫膺坐長歎。問君西遊何時還，畏途巖巖不可攀。但見悲鳥一作鳴號古一作枯木，雄飛呼雌一作雌從遶林間。又聞子規啼，夜月愁空山。蜀道之難——難於上青天！使人聽此凋朱顏。連峯去天不盈尺，一作入烟幾千尺。枯松倒挂倚絕壁。飛湍瀑流爭喧豗，砢崖轉石萬壑雷。其險也如此。嗟爾遠道之人，胡爲乎來哉？劍閣崢嶸而崔嵬，一夫當關，萬夫莫開。所守或匪親，一作人化爲狼與豺。朝避猛虎，夕避長蛇。磨牙吮血，殺人如麻。錦城雖云樂，不如早還家。蜀道之難，——難於上青天！側身西望長咨一作令人嗟！

古風

李白

大雅久不作，吾衰竟誰陳？王風委蔓草，戰國多荆榛。龍虎相啖食，兵戈逮狂秦。正聲何微茫！哀怨起騷人。揚馬激頽波，開流蕩無垠。廢興雖萬變，憲章亦已淪。自從建安來，綺麗不足珍。聖代復元古，垂衣貴清真。羣才屬休明，乘運共躍鱗。文質相炳煥，衆星羅秋旻。我志在刪述，垂輝映千春。希聖如有立，絕筆於獲麟。蟾蜍薄太清，蝕此瑤臺月。圓光虧中天，金魄遂淪沒。蟬竦入紫微，大明夷朝暉。浮雲隔兩曜，萬象昏陰霏。蕭蕭長門宮，昔是今已非。桂蠹花不實，天霜下嚴威。沉歎終永夕，感我涕沾衣！

秦皇掃六合，虎視何雄哉！揮劍決浮雲，諸侯盡西來。明斷自天啓，大略駕羣才。收兵鑄金人，函谷正東開。銘功會稽嶺，騁望琅邪臺。刑徒七十萬，起土驪山隈。尙採不死藥，茫然使心哀。連弩射海魚，長鯨正崔嵬。額鼻象五嶽，揚波噴雲雷。髣髴蔽青天，何由觀蓬萊？徐市載秦女，樓船幾時迴？但見三泉下，金棺葬寒灰。

太白何蒼蒼！星辰上森列。去天三百里，邈爾與世絕。中有綠髮翁，披雲臥松雪。不笑亦不語，冥棲在巖穴。我來逢真人，長跪問貴訣。粲然啓玉齒，授以鍊藥說。銘骨傳其語，竦身已電滅。仰望不可及，愴然五情熱。吾將營丹砂，永與世人別。天津三月時，千門桃與李。朝爲斷腸花，暮逐東流水。前水復後水，古今相續流。新人非舊人，年年橋上遊。雞鳴海色動，謁帝羅公侯。月落西上陽，餘輝半城樓。衣冠照雲日，朝下散皇州。鞍馬如飛龍，黃金絡馬頭。行人皆辟易，志氣橫嵩邱。入門上高堂，列鼎錯珍羞。香風引趙舞，清管隨齊謳。七十紫鴛鴦，雙雙戲庭幽。行樂爭晝夜，自言度千秋。功成身不退，自古多衍尤。黃犬多歎息，綠珠成覺仇。何如鷗夷子，散髮棹扁舟？

昔我遊齊都，登華不注峯。茲山何俊秀，綠翠如芙蓉！蕭颯古仙人，了知是赤松。借予一白鹿，自挾兩青龍。含笑凌倒景，欣然願相從。泣與親友別，欲語再三咽。勸君青松心，努力保霜雪。世路多險艱，白日欺紅顏。分手各千里，去去何時還？

戰城南

李白

去年戰桑乾源，今年戰葱河道。洗兵條支海上波，放馬天山雪中草。萬里長征戰，三軍盡衰老。匈奴以殺戮爲耕作，古來唯見白骨黃殺田。秦家築城備胡處，漢家還有烽火燃。烽火燃不息，征戰無已時。野戰格鬪死，敗馬號鳴向天悲。烏鳶啄人腸，銜飛上挂枯樹枝。一作『上枯枝』士卒塗草莽，將軍空爾爲？乃知兵者是凶器，聖人不得已而用之！

江夏行

李白

憶昔嬌小姿，春心亦自持。爲言嫁夫婿，得免長相思。誰知嫁商賈，令人卻愁苦？自從爲夫妻，何曾在鄉土？去年下揚州，相送黃鶴樓。眼看帆去遠，心逐江水流。只言期一載，誰爲歷三秋？使妾心如斷，恨君情悠悠。東家西舍同時發，北去南來不逾月。未知行李遊何方，作箇音書能斷絕。適來往南浦，欲問西江船。正見當壚女，紅妝二八年。一種爲人妻，獨自多悲悽。對鏡便垂淚，逢人只欲啼。不如

輕薄兒，且莫長追隨。悔作商人婦，青春長別離。如今正好同歡樂，君去容華誰得知？

答俗人問

李白

問余何事栖碧山，笑而不答心自閑。桃花流水杳然去，別有天地非人間。

送孟浩然之廣陵

李白

故人西辭黃鶴樓，烟花三月下揚州。孤帆遠影碧空盡，惟見長江天際流。

夜思

李白

牀前明月光，疑是地上霜。舉頭望明月，低頭思故鄉。

敬亭獨坐

李白

衆鳥高飛盡，孤雲獨去閒。相看兩不厭，只有敬亭山。

橫江詞

李白

人言橫江好，儂道橫江惡。一風三日吹倒山，白浪高於瓦官閣。

笑歌行

李白

笑矣乎！笑矣乎！君不見曲如鉤，古人知爾封公侯？君不見直如弦，古人知爾死道邊？張儀所以只掉三寸舌，蘇秦所以不墾二頃田。

笑矣乎！笑矣乎！君不見滄浪老人歌一曲，還道滄浪濯吾足？平生不解謀此身，虛作離騷遣人讀。

笑矣乎！笑矣乎！趙有豫讓，楚屈平，賣身買得千年名。巢由洗耳有何益？夷齊餓死終無成。君愛身後名，我愛眼前酒。飲酒眼前樂，虛名何處有？男兒窮通當有時，曲腰向君君不知。猛虎不看機上肉，洪爐不鑄囊中錐。

笑矣乎！笑矣乎！甯武子，朱買臣，叩角行歌背負薪。今日逢君君不識，豈得不如佯狂人？

悲歌行

李白

悲來乎！悲來乎！主人有酒且莫斟，聽我一曲悲來吟。悲來不吟還不笑，天下無

人知我心。君有數斗酒，我有三尺琴。琴鳴酒樂兩相得，一杯不啻千鈞金。

悲來乎！悲來乎！天雖長，地雖久；金玉滿堂應不守。富貴百年能幾何？死生一度人皆有。孤猿坐啼墳上月，且須一盡杯中酒。

悲來乎！悲來乎！鳳鳥一作『鳳』不至河無圖，微子去之箕子奴。漢帝不憶李將軍，楚

王放卻屈大夫。

悲來乎！悲來乎！秦家李斯早追悔，虛名撥向身之外。范子何曾愛五湖？功成名遂身自退。劍是一夫用，書能知姓名。惠施不肯干萬乘，卜式未必窮一經。還須黑頭取方伯，莫謾白首爲儒生！

將進酒

李白

君不見黃河之水天上來，奔流到海不復回？君不見高堂明鏡悲白髮，朝如青絲暮成雪？人生得意須盡歡，莫使金樽空對月。天生我材必有用，千金散盡還復來。烹羊宰牛且爲樂，會須一飲三百杯。岑夫子，丹丘生，將進酒，杯此一無字。莫